

色心法時節爲因無有共業如出尊說偈  
業不與他共 是藏他不偷 人所作功德

其自得善報

如是分別可知問云何以相攝答四種相攝  
陰相攝入相攝界相攝諦相攝於是無明行  
觸愛取有行陰所攝識識陰所攝名色四陰

所攝六入二陰所攝受受陰所攝生老死色  
陰所攝及行陰所攝無明行觸受愛取有生  
老死法入所攝識意入所攝名色五內入所  
攝六入六內入所攝無明行觸受愛取有生  
老死法界所攝識意識界所攝名色五界所  
攝六入十二諦所攝無明愛取十諦所攝餘  
九苦諦所攝出世因緣道分道諦所攝因緣  
滅滅諦所攝如是以相攝可知如是以行因  
緣方便可知此謂因緣方便因緣方便已竟

大乘

解脫道論卷第十

背十

痰唾上音牖柯上音相撲角下音蒲藏鑿下音立反像

貌下魚癟腰上紓主反下力側反此二

解脫道論卷第十一

背十一

阿羅漢優波底沙梁言大光造 梁扶南三藏僧伽婆羅譯

五方便品之二

問云何聖諦方便答謂四聖諦苦聖諦苦集  
聖諦苦滅聖諦苦滅道聖諦問云何苦聖諦  
答生苦老苦死苦憂苦憂悲苦惱苦苦苦怨  
憎會苦愛別離苦求不得苦以略五受陰苦  
生苦者於衆生種類諸陰起此一切苦集義  
老苦者以生諸界熟此失力色諸根念慧義  
死苦者壽命滅作畏怖義憂苦者至苦處心  
思惟此內燒義憂悲苦者苦至語言此內外  
燒義苦苦者身苦此因苦身義惱苦者心苦

此因苦心義怨憎會苦者與不可愛衆生共和合此作苦義愛別離苦者與可愛衆生共分散離別此作憂苦義求不得苦者樂得與不可愛別離樂可愛和合彼不得失樂義已略說五受陰苦者不離五受陰苦是故以略五受陰苦問云何五受陰荅色受陰痛受陰想受陰行受陰識受陰如陰方便廣說如是可知於是二種苦處苦自性苦於是生苦死苦怨憎會苦愛別離苦求不得苦以略五受陰苦此謂處苦憂苦憂悲苦惱苦此謂自性苦三種苦者苦苦壞苦行苦於是身苦心苦是謂苦苦有漏樂受彼處壞是謂壞苦五受陰行苦此謂苦聖諦問云何苦集聖諦荅愛令復生與欲共起處起如是欲愛有愛不有愛此愛令復生者有愛多成令有生愛苦集者唯愛不共故說苦集與欲共起者唯愛令歡喜名起令染名染共染起喜起者是處處令身性起是處歡喜是處可愛色是處歡

喜如是欲愛有愛非有愛除有愛及不有愛餘愛是欲愛有愛者與常見共起非有愛者與斷見共起此謂苦集聖諦問云何苦滅聖諦荅唯愛滅無餘捨遠離解脫無處此謂苦滅聖諦問不然此亦集滅何故世尊說苦滅荅曰苦因滅故成不生滅應作證義是故集滅世尊說苦滅問云何苦滅道聖諦荅此八正分道如是正見正思惟正語正業正命正精進正念正定正見者四諦智正思惟者是三善思惟正語者離四惡行正業者是離三惡行正命者離邪命正精進者四正勤正念者四念處正定者四禪復次若修行聖道於泥洹知見此謂正見唯於泥洹覺是正思惟彼斷邪語是正語斷邪業是正業彼斷邪命是正命斷邪精進是正精進於泥洹念是正念於泥洹專心是正定於是慧根慧力慧如意足擇法覺分成入內正見精進根精進力精進如意足欲如意足精進覺分四正勤成

入內精進念根念力念覺分四念處成入內正念定根定力心如意足信根信力定覺分喜覺分猗覺分捨覺分成入內正定如是三十七菩提法成入八正道內此謂苦滅道聖諦此諦四聖諦問何故說四聖諦不三不五答一切疑爲世間出世間果因故成四問云

何世諦果苦集世諦因果滅出世諦果道出世諦因緣故四不三不五復次應知應斷應證應修以四句故成四此四聖諦以十一行可勝可知如是以句義以相以次第以略以譬喻以分別以數以一以種種以次第廣以相攝問云何以句義答聖諦者聖人所說名聖諦通達彼故成聖諦諦者如是義不異義自相不異義苦者苦義集者因義滅者隨滅義道者見第一義如是以句義可知問云何以相答苦者過患相集者因相滅者不生相道者方便相復次苦者逼惱相憂相有爲相有邊相集者聚相因緣相和合相著相滅者

背十一

三

出離相寂寂相無爲相醍醐相道者乘相令到相見相依相如是異相可知問云何以次第答以鹿義及證義初說苦諦此苦以此生第二集此集滅是此苦滅第三滅此方便爲實滅第四說道如明了醫初見病源後問病緣爲滅病故如病說藥如是病如苦可知如是病因緣如集可知如是病盡如脫滅可知如是藥如道可知如是以次第可知問云何以略答生是苦令生是集苦止是滅令止是道煩惱處是苦煩惱是集斷煩惱是滅斷方便是道苦能起閑身見門集能起閑斷見門滅能起閑常見門道能起閑邪見門如是以略可知問云何以譬喻答如毒樹如是苦可知如種如是集可知如是燒種如是滅可知如火如是道可知如此岸有苦有怖畏如是苦可知如流如是集可知如彼岸無苦無怖畏如是滅可知如船能度如是道可知如擔擔如是苦可知如取擔如是集可知如置擔

如是滅可知如置擔方便如是道可知如是以譬喻可知問云何以分別可知答四種諦語諦各各諦第一義諦聖諦於是說實語非不實是謂語諦於各各諦大入諸見此謂各各諦彼諦比丘妄語愚癡法彼不妄語愚癡法是諦泥洹者是第一義諦是聖人所修行是聖諦於此所樂聖諦如是以分別可知問云何以數可知答除愛於三地善不善無記法是苦諦愛是集諦斷彼是滅諦八分道是道諦復次除愛餘煩惱於第三地善不善無記法是苦諦愛及餘煩惱是集諦斷彼是滅諦道者是道諦復次除愛餘煩惱一切不善於三地善有記法是苦諦愛及與煩惱一切不善是集諦斷彼是滅諦道是道諦復次除愛與煩惱及一切不善於三地不善於三地無記法是苦諦愛及餘煩惱及一切不善於三地善此集諦斷彼是滅諦道是道諦於是覓有氣味義是愛集有結使義餘煩惱是集

以可斷義以令起有義一切不善是集以令有義於三地善法是集於是愛及餘煩惱是集一切不善於三地及善或苦諦或集諦逼惱憂有爲有邊相故成苦諦聚因緣著和合相故成集諦如是以數可知問云何以一可知答此四諦以四行成一以諦義以如義以法義以空義如是以一可知問云何以種種可知答二諦世諦出世諦世諦者有漏有結有縛有流有軛有蓋可觸有取有煩惱所謂苦及集出世諦者無漏無結無縛無流無軛無蓋不可觸無取無煩惱所謂滅道三諦有爲滅諦無爲三諦無色苦諦有色無色集諦不善道諦善滅諦無記苦諦善不善無記苦諦可知集諦可斷滅諦可證道諦應修如是以種種可知問云何以次第廣答以一種有識身是苦集我慢斷彼是滅身念是道以二種名色是苦是無明有愛是集斷彼是滅奢摩他毗婆舍那是道以三種成所謂苦苦是

苦諦三不善根是集斷彼是滅戒定慧是道以四種成四身性處是苦四顛倒是集斷顛倒是滅四念處是道以五種成五趣是苦五蓋是集斷蓋是滅五根是道以六種成六觸入是苦六愛身是集斷愛身是滅六出離法是道以七種成七識住是苦七使是集斷七

背十一

五

使是滅七菩提分是道以八種成八世間法是苦八邪邊是集斷八邪邊是滅八正分是道以九種成九衆生居是苦九愛根法是集斷彼是滅九正作意根法是道以十種成十方行是苦十結使是集斷結是滅十想是道如是以次第廣可知問云何以攝答三種攝陰攝入攝界攝於是苦諦五陰所攝集諦及道諦行陰所攝滅諦非陰所攝苦諦十二入所攝三諦法入所攝苦諦十八界所攝三諦法界所攝如是以攝可知以此行於聖諦知令起此謂聖諦方便聖諦方便已竟解脫道論分別諦品第十二之一

尔時坐禪人已明了陰界入因緣諦已得聞或頭陀禪以凡夫未解脫怖畏惡趣已觀惡趣怖已觀無始生死怖已觀一剎那不可得已觀三百鉢刺喻已觀燒頭愛喻未分別四聖諦爲分別聖諦當作方便當作欲當作勇猛精進專心緣念具足應令滿問云何當作

答彼坐禪人初四聖諦當聞或以略或以廣或以略廣以聞以義以誦當受持是時坐禪人入寂寂坐不亂心不去來心四聖諦應令起初苦諦應令起或以陰或以入或以界陰法以自相以陰相應令起如陰方便廣說如是當知入者以入相應令起如入方便廣說如是當知界者以界相應令起如界方便廣說如是當知彼坐禪人如是已陰入界唯有陰入界無衆生無命已令起已得行想爾時已略作二種命起所謂名色於是色陰十入十界色四陰意入七界是名法入法界或名或色餘名餘色餘名者以色空色者以

名空名者以色不離色者以名不離如鼓聲  
唯依名色生依色名生如盲跛遠行問名色  
者何差別答名者無身色者有身名者有所  
知色者無所知名者輕轉色者遲轉名無聚  
色有聚名者覺知思識色者無此色者行倚  
坐卧屈伸名無此名者知我行我倚我坐我

背十一

六

卧我屈我伸色無此色者飲食噉嘗名無此  
名者知我飲我食我噉我嘗色無此色者拍  
我戲我啼我種種言說名無此名者知我拍我笑  
我戲笑啼種種言說名無此謂名色差別  
彼坐禪人如是名色唯以名色無衆生無命  
已令起已得行想爾時一切作略苦諦者令

取因緣智或離疑清淨此衆語言集諦令起  
智彼坐禪人以令起苦集於三時已度疑尔  
時觀苦滅誰滅爲苦滅誰滅爲此苦滅彼坐  
禪人如是知從生滅此苦滅從生滅有滅從  
有滅取滅從取滅愛滅從無明滅行滅如是  
從無明滅行滅從行滅識滅從生滅老死憂  
悲苦惱滅如是此一切苦陰成滅彼坐禪人

背十一

七

如是因緣所縛滅已廣已觀爾時作略此受  
緣愛從彼滅苦滅令起滅諦彼坐禪人如是  
已令起滅諦爾時觀苦滅道何道何具足爲  
愛滅彼坐禪人如是知於五受陰觀過患此  
道此具足爲愛滅令起道諦如諦方便廣說

如是可知彼坐禪人如是以次第已令起四  
諦尔時於五受陰以一百八十法次第以聚  
分別觀所有色過去未來現在或內或外或  
大或小或麁或妙或遠或近一切色以無常  
廣觀以廣觀苦以廣觀無我如是所有受所  
有想所有行所有識於一一陰十二法門於  
五陰五十二成六六十無常見六十苦見  
六十無我見成一百八十復次一百八十法  
門六內入六外入六識身六觸身六受身六  
想身六思身六愛身六覺六觀此十六成六  
十六十無常見六十苦見六十無我見三六  
十成一百八十彼久遠年時日月月半日夜  
時念剎那以迴轉法行成新故如燈炎相續  
成轉以無常於行分別觀以惡趣受苦飢渴  
怖畏求覓愛別離老病死憂悲苦惱此行相  
應相續以苦於行觀分別從陰入界因緣諦  
業果報因緣令生所生無衆生不動無事自  
性行成起以無我於觀分別於行色無常以

滅義以苦怖義無我不實義以作略廣分別  
如是受想行識無常滅義苦者以怖義無我  
以不實義如是作略廣分別於是於無常已  
分別除常想以苦分別除樂想以無我分別  
除我想問云何以無常廣分別答如實見一  
切諸行無有爲邊滅爲邊於無相戒令起心  
於無相界爲安心是故以無常廣分別問云  
何以苦分別答於一切諸行令心怖畏從作  
願令起心於無作願爲心安是故以苦廣分  
別問云何以無我廣分別答於一切法見從  
他從此執令起心於空界爲心安是故以無  
我廣分別如是分別三有五趣七識住九衆

菩土  
生居以滅怖畏以無實觀之分別竟

八  
生居以滅怖畏以無實觀之分別竟

彼坐禪人於五受陰已分別於三相令樂入  
欲斷諸行爾時現在內五受陰取彼相令通  
達起滅如是此法以無生現坐生以生滅如  
是通達於是取相者取相三種取煩惱相取  
定相取毗婆奢那相於是愚癡凡夫於見聞

覺知境界以成樂常想顛倒所初心以好取  
相於此著煩惱如蛾投燈此謂取煩惱相問  
云何取定相答於此坐禪人樂得定以念正  
智所初心三十八行於一一行取相令繫心  
爲不亂故如於繫象此謂取定相問云何取  
毗婆奢那相答常觀人以慧所初心色受想  
行識各各分別其自相樂欲捨修彼相如捉  
毒蛇此謂取毗婆奢那相於此取毗婆奢那  
相可樂問云何取受想行識相答彼色識相  
或以地界或以水界或以火界或以風界或  
眼入或身入如是觀彼受受相或爲樂或爲  
苦或爲不苦不樂如是觀彼想想相或爲色  
思或爲法想如是觀知行行相或爲觸或爲  
思或爲覺或爲觀或爲作意如是觀彼識識  
相或眼識或意識如是觀彼坐禪如是善  
取彼相以善令起令起如是取色受想行識  
相復次以二行取心相以事以作意問云何  
以事取心相答以此事我心起當觀彼以此

色受事以此想事以此行事以此識事我心  
起如是當觀彼如是以事取心相問云何以  
作意取心相答如是我作意色此心起如是  
當觀如是我作意受想行我心起如是當觀  
如是已作意取心相問云何彼相成善取答  
以是行以是相色受想行識相以成觀若復  
堪更觀彼相以此行以此相是謂彼相成善  
取通達生滅者有起有滅有起滅通達於是  
色已生現在彼生相起變相滅彼二句以慧  
眼見通達起滅受已生現在受想行識彼生  
相起變相滅彼一句以慧眼見通達起滅復  
次以三行通達起相以三行通達滅相如是  
以因以緣以自味問云何以因通達起相答  
愛無明業是因爲陰起以慧眼見以因通達  
起相云何以緣通達起相食緣爲色陰起觸  
緣爲三陰起名色緣爲識陰起以慧眼見以  
緣通達起相問云何以自味通達起相答如  
燈炎相續無間初後新新起行以相以慧眼

見以自味通達起相於是以因以起見以集  
諦相成見以念起覺以緣以自味以起見苦  
諦以相成所見以剎那不可得覺如是以三  
行通達起相問云何以三行通達滅相答以  
因滅以緣滅以自味滅於是愛滅以無明  
滅以業滅陰成滅以慧眼見以因滅通達滅

相以食滅色陰成滅以觸滅三陰成滅以名  
色滅識陰成滅以慧眼見以緣滅通達滅相  
如燈炎相續無間初有滅行以慧眼見以自  
味通達滅相於是以因滅見滅諦以相成所  
見以無生相覺以緣滅以自味以見滅以苦  
諦相成初見以剎那不可得覺問若以起滅

見苦諦以相得見何故上智當起答何用起  
見滅以苦諦相得見未見彼苦成滿乃至諸  
行過盡如實已見從行相已令起心於非行  
心成度如實已見諸行過患從行相已令起  
心於非行成度是處見苦成滿謂往邊故猶  
如飛鳥爲火所圍未免怖畏若飛至虛空見

肯士

十

火圍遇患成飛虛空是時彼見火怖圍成滿  
如是於此可知於是以因以緣以起見成通  
達因緣起相此有此起此起故此成起因滅  
故及緣滅故以見滅因緣生相成通達此無  
有此不成此滅故此滅以自味以起滅見已  
起成通達知因緣法有爲法起彼起得知彼  
滅亦知彼住以亦知如是以起滅見四法成  
所知如是一相法種種法無事法正法於是  
一相續所著諸行以起彼見不成種種執初  
後轉諸行以彼滅見不成一執自性離無動  
諸行以初後見不成我執因緣所轉初後諸  
行如是以法見不成無事執無聞凡夫以一  
不覺常斷說以種種不覺成常說以無事不  
覺成我說如是以法不覺成無事說於是以  
平等語言以一相勝語言以種種相攝成一  
相以分別義成種種以煩惱義成一性以方  
便義成種種性以愛果成一性以業果成種  
種見性彼坐禪人如是見一性非於此執種

種見若見種種性非於此執常見一性若現見一性餘作餘覺除此見若現見種種性彼作彼覺除此見若現見一性除此斷見若現見種種性除此常見彼坐禪人如是以起滅見一性種種性法明何以起現起諸行見彼無事何故一切諸行無事不動無餘所起住

背十一

十一

生滅彼諸行以其事成滿於是斷無智故餘諸行以不愚癡成滿於是起滅智是諸行分別智一切諸行以起初邊成分別以滅後邊成分別以起初邊成寂寂以滅有邊成寂寂以起從起無初以滅從滅無後是故起滅智成諸行分別智

起滅智  
已竟

住自性因緣和合集爲因緣如是以止法生令生於是以無命義及不動義無事法可知以自性義及緣義如是止法可知令現空無事令現業所作如是止法令現無事名法如是令現止法名行於是以一性法覺苦相成通達以種種性覺無常相成通達以無事法覺如是以正法覺無我相成通達問彼坐禪人一切諸行以無餘處觀起滅爲一處當觀耶答於初諸行處取其相通達起滅無餘處一切諸行令滿如人於大海一處以舌舐水即知一切水鹹如是於此可知以二行諸行令滿以事以不愚癡於是諸行取其相通達

彼坐禪人如是正見生滅相善分別諸行樂得滅樂定余時不作意觀生唯見心滅以色想事以心生滅依彼事見心滅如是以受持以想事以行事以識事以心生滅依彼事見心生滅復次以三行見滅如是以聚以變以分別問云何以聚答於感儀感儀所起心心數法於其處以聚見彼滅復次已觀色無常受無常想無常行無常識無常余時以無常事所起心心數法以聚見彼滅如是以苦事無我事如是以聚當見問云何以雙答此色無常已觀無常隨無常起心見心生滅如是受想行識無常已觀隨無常事起心見生滅如

是已苦事已無我事如是以雙當觀問云何  
以分別答已觀此色無常隨無常事起心見  
心生滅如是以分別觀見多心滅如是觀受  
想行識無常隨無常事起心見心生滅以是  
見心滅復見滅如是以分別見多心滅如是  
觀苦觀無我如是已分別唯現觀彼滅其彼

苦十一

十二

若滅事成專常覓諸行刹那成得利彼坐禪  
人以此慧非他緣見一切世間以自性如到  
芥子頭於一心刹那生老死變余時坐禪人  
復如是見如偈所說

此雙名色性 展轉於一滅 句滅緣彼滅  
及彼因所生 陰無常滅法 苦生法滅法

如桴打鼓聲 亦不從眼生 色香等五法  
亦不從色生 亦不離二句 依因緣依生 色香等五法  
如桴打鼓聲 亦不從耳生 陰無常滅法 亦不從身生  
亦不從聲生 亦不離二句 初因亦最羸  
色香等五法 亦不從香生 亦不離二句 共地此最羸  
亦不從舌生 色香等五法 亦不從味生 亦不從色生  
亦不從觸生 亦不離二句 相應亦最羸  
亦不從法出入 依因緣依生 如桴打鼓聲  
被根最羸出 和合亦最羸

亦無性展轉 無有能令起 令起彼亦無  
如臯闈婆城 是誰初令起 不以自身生  
不以自力住 由隨他法生 生諸有漏法  
身體羸劣不自生 亦不自因不自事  
不有爲處不自性 亦不自性行相諸有  
爲生自身羸無時 無所從來無所行  
十三

處無所生爲他國 心無我所命身性  
一心苦樂相應速 刹那山海八万劫  
一住不再無二心 相應過去及當滅  
現住一切彼諸陰 此等已去無聞失  
未來當失於彼間 已彼無異相不起  
以不生故現在生 從於心失世間無

第一義中無去來 未來無聚唯轉生

住如芥子生諸法 彼法滅已是其初

世間以法初不離 不見去來不見生

諸法不生如虛空 猶如電起須臾滅  
彼坐禪人如是見滅無盡入定如鑛火煙起  
菩提品刹那刹那起光明智起喜捨樂取解

脫念處起捨出離於是不明了坐禪人於彼  
法或起亂或起增上慢問云何爲除亂答彼  
坐禪人於法起喜復令更安如是彼法  
復更令安成其心法調所攝若法調所攝心  
從滅觀定其心離常離常通達如是離去問  
云何起增上慢答彼坐禪人於法初起光相

得出世間法於未得成得相常不更作精進  
如是增上慢起明了坐禪人知此煩惱是定  
亂知世間法行事如是知出世間法泥洹事  
如是知已如是智除亂除增上慢唯見滅是  
善修行多修行覲滅智竟

廿一

解脫道論卷第十二

背十二

羅漢優波底沙梁天光造 梁扶南三藏僧伽婆羅譯

分別諦品第十二之二

彼坐禪人如是現觀滅以由觀滅成畏陰因  
亦畏陰生畏三有五趣七識住九衆生居成  
畏彼如惡人捉刀可畏如毒蛇如火聚如是

以由觀滅成畏陰因畏陰生畏三有五趣七  
識住九衆生居以無常現作意令畏想以安  
隱令起無相以苦現作意成畏生以安隱令  
起無生以無我現作意成畏相及生以安隱  
令起無相及無生觀過患觀厭離軟隨相似  
忍是其摠語言怖已竟

彼坐禪人以怖現修行令起智樂解脫智生  
彼陰相是怖者樂解脫智起陰生爲怖者樂  
解脫智起三有五趣七識住九衆生居此怖  
者樂解脫智趣如火所圍鳥從彼樂解脫如  
人爲賊所圍從彼樂解脫如是彼坐禪人陰  
因陰生三有五趣七識住九衆生居此怖畏